

برنجی سنه ۰ نومرو ۲

برنسیخه یی ۱ چار نکه در

۱۵ ذی الحجه سنه ۱۴۹۶



# مجموعه علوم

هر عربی ایک برزده واون بشنده نشر اولنور

تعصب حرکه کاوب ظلمت کبر و کین بصر  
بصیرتن بورور سمت اعتدال واضح ایکن  
کورمز لنوب افراط طرفه کیدر کندی زعمه  
کانه بر معقول ایش ایدر درمندانک خبری  
یوق کا ورع بارد پندار یله تعزیره مستحق اولوب  
مغوض خلق و مردود حق اولق جرمنه استفاد  
پیدا ایدر هی ایله اول کیجه نمازی اوده  
قلسک اولیله باردوضع ناهموار ایلمسک نه لازم  
کلور عمر کده جمله نمازی جماعتله می قانک  
یا خود مسجده سائر اهل اسلام ایله اول نمازی  
قلسک بر مکروه ارتکابی ایله کافر می اولورسن  
مکر سائر اقوال و افعال کده کرا هندن - سلامتی  
واردر بلکه احوالکی انصافله شرعه تطبیق  
ایلمسک چوغنی مخالف بولورسن سنک شیخک  
قاضی زاده افندی احیاء علوم درسی اوقودب  
بودر سدن انجق کندومزک ماهیتی وعجزنی  
بلمکی استفاده ایدرز دیر وقصور و کسوره  
اعترافله انصافی ایدزدی سن بو یله زعم و پندار  
صاحبی اولق ندن

امدی واعظ افندیله لازمدر که اول نمازلر  
زماننده بو محاکمه بی نقل ایده لر وعظایرینک  
وظیفه سی بودر افراط و تفریط نقلی ایله خلقة  
دغدغه و ربوب امت مجیداراسنه تفرقه دوشورمیه لر  
تدقیق و تغایظ یری دکندر عبادت صورتنده  
اولان عادتلی منع اتمسک اولی درز نرا حرسه  
وامصراره باعث اولور بلکه ترغیب ایتسه لر خلقة  
کلی کلور سائر فرائض و واجبات کبی کیده رک  
ترک ایدر لردی کورمز میسن که بی نمازلر اول  
کیجه لرده مسجده طولارزیرا منع حرص افاده  
ایلمشدر

بحث خامس عشر مصافحه بحثی در

مصافحه ال طو شمه قدر اصلنده بیعت  
وملاقانده سنت ایدی اصحاب کرام بری برینه

ملاق اولدقجه مصافحه ایدوب غفرالله لنا  
ولکم دیرلردی و یو باده نیجه احادیث شریفه  
روایت اولنمشدر مراد ایدن امام نووی اذکارنده  
کوره یا لکبر بر فصل مصافحه حدیث لیریدر صکره  
صکره ملاقاتده مصافحه اولنماز اولوب نمازلردن  
صکره اکثر رومده جمعه نمازندن صکره ایدر اولدی لر  
بو خصوص دخی عاده و عرفه مبنی بر بدعه اولغله  
بعض واعظ لر سویلوب رافضی لر عادتی در دیو  
خلقی منع ایلیجک استفتا اولندقد رافضی لر عادتی  
اولان اوقات خسه دن صکره اتدکری مصافحه در  
جمعه دن صکره اولان مخصوص در دیو فتوی ویردی لر  
زیرا قرار داده بدعتلرده مهم امکان توجیه و صلاحه  
حل اولی در بونده دخی برزقیل وقال اولنمشیدی  
لکن اول مرتبه افراط و تفریط واقع اولمیوب  
خلقک برازی فارغ اولدی لکن اکثر عوام بیننده  
خصوصا عیدلرده امر واجب مقامنده اجرا اولنور  
بو باده دخی اعتدال بودر که جمعه کونلری  
جامعه کشتی کندی اول شروع اتمیه اگر یاننده  
اوتوران شروع ایدر سه نه چاره مصافحه ایلیه  
زیرا اتمدیکی تقدیرده اول ادم یا خجیل یا منکسر  
اولور البته بهر حال برانفعال کلور اول حین ده  
بو بدعتی اشلمک بر مؤمنک خاطرنی کسردن  
اهوندر بودقیقه دن صکره عاده بنه اول شروع  
ایلمسه دخی عاصی و مجرم اولحق قدر نسنه یوق  
لابأس در عیدلرده ایسه ملاقات زمانی در سنندر  
لکن عیده تخصیص عرف و عادت اولغله اورامی  
سنت دکندر جمله احوال سنت اوله جق دکل یا  
بحث سادس عشر انحنایحی در

سلام محلینده اکیلوب یا خود باشی ایله الی ایله  
اشارت ایلمک دخی بدعتدر دیو نزاع اولنور سائر  
ملل وادیان اصحابندن هر برینک بر کونه سلامی  
اولدوغندن غیر اهل اسلام اصنافک دخی  
مراتبه کوره سلامی مختلف اولق عرف و عادت

اولشدر کرچه صدر اسلامه جمله نیکو تحیتی سلام  
ایدی لکن صکره ملوک اسلامیه دولتری ظهور  
ایدوب هر دولتک بر کونه عرف و عادت ایلوب  
هر سنه صحابه زمانده کی کبی قالمق اطوار  
دولت و تباین دیار و عادت اقتضا ایلدی انلر  
اراسنده سنت اولان امورک اکثری اونودولوب  
هر برینی اجرا و رعایت عادتلرینه مغایر اولغله انجق  
روایت کتابلرنده اسمی و رسمی قالدی کیدرک  
فرائض و واجباته بله مسامحه اولنور اولدی سلفده  
کیچن ملل وادیان دخی جمله بویله در عاده الله  
بونک اوزرینه جاری اوله کیشدر هیچ بر پیغمبرک  
امتی اولندن اخرنه دک جمله سنتی رعایتله اجرا  
ایده مدیلر عالم کون و فسادده بر حال برقرار  
دکدر پس حضرت رسول اکرم صلی الله علیه  
وسلم زمان سعادتلرنده و اذا حیتم بتحیة  
فیحیوا باحسن منها اوردوها مقتضاسنجه  
بر اوغلنچق حضور شریفلرینه داخل اولسه  
السلام علیکم دیر ایدی انلر دخی و علیکم السلام  
ورحمه الله و برکاته دیورده سلام ایدرلردی  
خلفاء راشدین عصرلرنده سایر اصحاب  
کرام و اهل اسلام بوموال اوزره سلاملشرلردی  
صکره بنی امیه و آل عباس دولتلرنده بعض عادتلر  
ظهور اتدی هر قومک اراسنده بر نوع تحیه شایع اولوب  
یراشدی قالدی حالا دولت عثمانیه ده عادت  
مثلا پادشاهلر حضورنده سلام یرینه یراو پرلر  
اکا بر دین و دولت حضورنده خصوصاً علما  
رکوع و انحنای ایدرلر سائر اراذل نس کیمی  
صباح الخیر کیمی عشق اوله دیو اسلشر  
و نیچه سی دخی سنت اوزره سلام و پرور  
امدی بو عادتلر سنه مخالف قدر فراغت ایلک دیو  
بونلره نزاع و جدال حما قدر زیرا دفعالله ذکر  
اولندی که بر قومک عرفی تغییر مشکدر بواصل  
نسنه لرده خلق کندی حانه قویوب امر دین

و دنیا به ضرری عام و نظامی مخل معناری  
کوره لر اولاملوک حضورنده و غیر یرده یر  
او بیکله بعض فقرا اکا بری تحیه ایدر و بعض  
ورع خشک اصحابی کافر اولدک بزی و بالله  
قودک دیو عظیم انفعال کوستر فقیری  
حجاب آتشنه یا قار نه کفردن خبری وار نه  
وبالذن زیرا موجب کفر اولان سجده اعضا  
سبعه اوزرنه اوچ کره سبحان الله دیچک قدر  
مخلوقه عبادت نیتی ایله اولان سجده در سجده  
تحیه ائم سالفه عصرلرنده مشروع ایدی  
اسلامده منسوخ اولدی ظاهر بودر که یراوپن  
کنه عبادت قصدی ایله یدی عضوی اوزرنه  
اولقدر زمان طوروب سجده ایلمز کفر  
و وبال ندن لازم کاور ال اتک او یوب رکوع  
و انحنای و سائر الفاظ ایله سلام و تحیتک انجق سنه  
مخالفتی وارد اول دخی عرف و عادت ترک  
اولنمق عذری ایله معفودر زیرا بر کسه بیوکلر  
مجلسنه وارب سلام و یرنه استخفافه حمل  
اولنمق ارالرنده عادتدر انکی چون عرف و عادت  
و رسوم ادبیه رعایت ایدرز کذلک طالبلر استاذ  
حضورنه وارد قدده رکوع و انحنای ایلمز سه ده  
سکوت ایلده زیرا فی زماننا سلام مساواة و قرانی  
رتبه سنی اشعار اتد کندن غیری کبار و صغار  
بیننده جاری اولان عادت ادبیه رعایت اتممش  
اولور و بوندن استاذینک خاطرنه یرکاور امدی  
امر بالمعروف نهی عن المنکر ایدن افندیلر بود قایق  
بلمک کرک خلقی مألوف اولدوغی معنادن  
دوندنر مکه عبث بره سعی ایدوب تضییع اوقات  
اتمک کرک زیرا بردفقه سویله ک ایله قطع  
معذرت حاصل اولور تأثیر ایلمز سه دخی  
زیاده می کوزه لکدر مفید اولماز  
بحث سابع عشر امر بالمعروف  
نهی عن المنکر بحثی در